




Газет 2001-йисан
ноябрдилай акъатзава

Эренлардин СЕС

РД-дин Докъузпара райондин общественно-политический газет.
Общественно-политическая газета Докузпаринского района РД.

№13 (890) 27-март, арбе, 2019-йис. Газетдин сә эхз. кьимет кноскрай - 10 манат

Мискиска АТК-дин заседание хьана



И сеферда АТК-дин заседание патә-кьерехда хьана. Ам 25-мартдиз Мискискарин хуьруьн администрацияда кьиле фена. Заседание ачухна ва ам кьиле тухвайди АТК-дин председатель, Докъузпара райондин Кьил Абдурагьим Алискеров я. Заседанида райондин прокурор Мисбагь Назирова, комиссиядин членри, образованидин управленидин ва медениятдин векилири ва хуьрерин администрацийрин кьилери иштиракна.

Ци ийи - Каракуьредин администрациядин кьил Гуьлмегьамед Парванаева 2018-йисуз терроризмдин идеологиядиз акси яз авур кьвалахдикай гьахь-гьисаб авуна.

«Чаз малум тирвал,

экстремизмдихь ва терроризмдихь галаз женг тухунин кьилин кьайда – им абурун вилик пад кьунин кьвалахар тухун я, иллаки - жегьилрин арада. Идан жигьетдай алатай йисуз чна хуьруьн кьене гзаф кьвалахар тамамарна. Агьалийрихь галаз гуьруьш хьунилай гьейри, пропагандадин ва хабаррин мярекатар тухвана. Аялрин бахчада, школада, медениятдин кьвале ва хуьруьн ДЮСШ-да терроризмдин акт хьайи дуьшуьшра кьабулдай серенжемрин кьайдайрин инструктажар пешекаррин арада тухвана. Аялрихь ва образованидин идарайрин коллективрихь галаз, гьа ихьтин дуьшуьшра инсанар кьутармиш авунин вердишарунар тухвана...».

Докъузпара райондин медениятдин управленидин

начальникдин заместитель Ирван Мусаева медениятдин идарайра 2018-йисуз терроризмдин вилик пад кьун патал тухванвай кьвалахрикай ва идан барадай 2019-йисуз вилик эцигнавай месэлайрикай лагьана.


Образованидин объектар терроризмдин гьужумрикай хуьн патал кьабулнавай тедбиррикай ва адаз акси яз тухванвай кьвалахрикай, образованидин управленидин методист Осман Османова суйгьбетна.

Хатасузвилин жигьетдай тир райондин кьилин заместитель, АТК-дин секретарь Кьазихан Мегьединова 2019-йисуз Докъузпара райондин территорияда терроризмдин идеологиядиз акси комплексный план кьилиз акьудунин гьахь-гьисаб авуна.

А. ЭМИРСУЛТАНОВ

Владимир Васильева Дагъустан виликиди тухудай рекъер тайинарна

20-мартдиз Дагъустандин Къил Владимир Васильев Халкъдин Собранидиз гъар йисуз рекъе твадай Чар гваз экъечина рахана. Сессиядиз иштиракиз атанвайбурун къадар лап гзаф тир. Халкъдин Собранидин заседанийрин залда чкаяр бес жезвачир. Гъавилай мярекат Дуствилин Къвале тухудайвал хъана. Владимир Васильева йисни зуран вахтунда авунвай кваллахдин гъахъ-гъисаб, вилик акъвазнавай месэлайрикай ачухвал гана. Ада къейдна: - Алай йисуз Дагъустандиз федеральный центрдай 14 миллиард манат пул ахъайда. А такъатар вири милли проектар ацурун паталди гузвайди я. Гъукуматди пулар образованиедиз, сагъламвал хуьниз, яшайишдин квалер эцигуниз, рекъер тукъуьруниз ва маса чарасуз рекъериз харжда. Республикадин 27 процент рекъер хатасузбур ийиз чун агакъна. Зур миллион инсанди гила ми хъи яд хъвада. Пассажира тухузвай ракун рекъер гуьзчивилик кутунва. Дербент ва Хасавюрт шегъерра элкьвена элячидай рекъер (объездар) эцигда. Махачкаладин аэропортунай жуьреба-жуьре шегъерриз лув гузвайбурун къадарар са йисуз къве сеферда артух хъанва. Приоритетдик республикадин агъалийрин къазанжияр хкажун ква. Муаллимрин ва врачрин мажибар хкажунни пландик ква. Гелелиг тарифдай агалкъунар авач, амма гьикл ийидатла ва мурадлив агакъдай къайда Дагъустандин Къилиз чизва. «Мягкем финансрин база арадал



гъана клада» - и рекъиз эвер гана ва къейдна В. Васильева.

Пособийрин къадарарни хкаж жеда. Нубатда акъвазнавайбурувай яшайишдин квалерни къачуз алакьда. Чпел твар эцигнавай набутбурун къадар тимил жеда.

Лугун лазим я, йисни зуран вахтунда 6 агъуз «инвалидди» чпиз къазанжи къезвай чешмеяр квадарна. Халкъдин Собранидиз рекъе тунвай Чарчин чехи пай еримлу медицинадиз бахшнава. Жуьреба-жуьре операцияр ийиз чи республикадин агъалияр маса регионриз тефин патал алай, 2019-йисуз 11 цийи больница эцигда, фад куьмекдиз агакъдай тади гьалдин 70 автомобиль уьлкведин проектрин сергъятра аваз, къачуз алакьна. Хуьруьн майишат ва санайи (промышленность) чи чкадин шартлара къилинбур я. Авай зурба потенциал къилиз акъудна клада.

«100 школа» проект В. Васильева халкъдинди ялагъана. И кардик къил кутунай ада депутатриз, меценатриз сагърай лагъана.

Нагъзур аял гила цийи классриз гъахъда. 4 миллиард федеральный бюджетдай атана, республикадинни 300 миллион манат эцигна, 150 мектеб ремонтна. Дикъетдин юкъва меденият ва спортни ава.

Къазанмишнавай агалкъунрай ва авунвай кваллахдай В. Васильева виридаз сагърай лагъана. Халкъдин Собранидиз ракъурнавай Чарчин гъар са пункт гъялуни, къилиз акъудунин везифа депутатрин, министррин ва районрин къилерин хиве гъатзава. Вири месэляяр къилиз акъудун чарасуз я.

Шагъбала ШАГЪБАЛАЕВ

АЧУХ ГЪУКУМ

«Докъузпара район» МР-дин Къил Абдурагъим Алискерова РД-дин Къилин Чарчиз баянар гана

Малум тирвал, алай йисан 20-мартдиз Дагъустан Республикадин Къил Владимир Васильева РД-дин Халкъдин Собранидин 33-сессиядал, гъар йисуз Халкъдин Собранидиз рекъе твазвай Чар гваз, рахунар авуна. Цийи жуьредин авсиятда неинки республикадин Халкъдин Собранидин, гъакъни гъукумдин вири дережайрин къуллугъчийри

иштиракна. Республикадин Къил В. Васильева къилиз акъуднавай кваллахдин ва гележегда вилик акъвазнавай месэлайрин гъахъ-гъисаб авуна. Региондин регъберди къейдна, Гъукуматдин сиясатди чарасуз гъялна кланзавай ва вилик акъвазнавай месэлайриз къетен фикир гузва. Абур инсанрин къайгъударвилехъ элкьвенвайбур я:

уьмуьрдин хатасузвал хуьн, кваллахдал машгъул хуьн, къазанжияр хкажун, яшайишдин къулай шартлар арадал гъун, еримлу образование къачун, медицинадин куьмек тешкилун, сагъламвал хуьн, образование къачун, яшайишдин





сиясат, агъалийрин хатасузвал таъминарун, агъалияр кваллахдал желб авун, налогрин сиясат, хуьруьн майишат ва уьмуьрдиз хийир авай маса терефар дуьз рекьел гъана, кардик кутуна кIанда.

2018-йисуз чи регионда 44 образованидин идара арадал гъана. Адакай 20 аялрин бахчаяр ва 24 школа. Алай йисуз 33 школа эцигун пландик ква. И мектебра 11047 ученикдин чкаяр жада. И мурад ар кьилиз акъудун патал федеральный бюджетдай республикадиз 3,9 миллиард манат пулар ахъайна. Сагъламвал хуьнин рекьей 11 объект кардик кутаз алакьна. И дережада кIвалах давам хуьник ква.

РД-дин Халкъдин Собранидиз ракурнавай Чар гваз экъечIна рахадайла, Дагъустандин Кьил

Владимир Васильева кьейдна: «РФ-дин Президент В.В. Путина эцигнавай, ФС-диз ракурнавай Чарче кьалурнавай «майдин Указда» тайинарнавай месэляяр гъялун, вичин нубатда, чи виликни акъвазнава.

Дагъустандин Кьили Халкъдин Собранидиз ракурнавай Чарче республикадин медицинадин хилекайни лагъана: «Йисалай йисуз сагъламвал хуьнин рекьей кардик квай идараяр чна цийи хъийизва, а идараяр кьакьан технологийрин тадаракралди таъминарзава. 2018-йисуз саки 6 агъзур дагъустанвидиз медицинадин рекьей куьмекар гана. Ихътин куьмекди 30 процентдин желбвал тешкилна. 2019-йисуз а рекъем 35%-див агакьарда, республикадин 7 агъзур агъалидиз

медицинадин рекьей куьмекар гуда. Дагъустандин Кьили Халкъдин Собранидиз ракурнавай Чар гваз экъечIна рахадайла, республикадин агъалияр яшайишдин кIвалералди таъминарунин серенжемрикай лагъана. Владимир Васильева рекьерин хатасузвал таъминарун патални жемиятдин кьатариз эвер гана, и карда лазим таблугъат тухун чарасуз тирдакайни рикIел хкана.

Идалай гъейри, Владимир Васильева «Зи Дагъустан» тIвар алаз кьиле фейи конкурсдин нетижайризни кьакьан кьимет гана. Россиядин Президентдин Администрациядихъ галаз саналди кьиле тухвай конкурсди чи республикадин кадрарин резерв арадал гъунин, жегъилриз гьукуматдин крарик кьаришмиш жадай ихтияр хуьнин ва пешекарвилини чкаяр кьуна, гьукумдин тешкилатриз атуьнин рекьей еке куьмек гана. Идахъ галаз алакьалу яз, гзаф пата-кьерехда кьуллугъ авур савадлу пешекарар хайи республикадиз хтанва.

Докузпара райондин Кьил Абдурагъим Алискерова вири и легишвилер ва кьулайвилер республикадин агъалияр паталди ийизвайдакай лагъана. «Гъавилей чакьни, гьар сада улкведедин, республикадин, райондин, хайи хуьруьн яшайиш вилик тухун паталди вичин пай кутуна кIанзава», - кьейдна ала.

Шагъбала ШАГЪБАЛАЕВ

Гьикаятчи ва таржумачи

(Писатель ва таржумачи Эфенди Капиеван 110 йисаз талукъ яз)

Мартдин юкьвара машгур писатель, гьикаятчи, публист, таржумачи шаир Эфенди Капиев дидедиз хъайидалай инихъ 110 йис тамам хъана. Эфенди Капиеван уьмуьр ва яратмишунар дуствилин, муьгьуббатдин, имандин авазлу симфония хъиз я. Амма адаз куьтягъ хьун кьисмет авунвачир. Адалай фикирда кьунвай мураддин ктаб куьтягъиз алакьначир. Эфендин вири уьмуьр - жагъурунар тир. Ада кьизилдин винел кIвалахзавай устIарди хъиз, вичин тикрар ийиз техжедай сейрек, тек нехиш жагъурзавай. Яни эдебиятда ада вичин рехъ гъа тегьерда жагъурзавай. Жагъурна, жагъана

ва... кана. Писателди яратмишай сифтегъан ктабрилай эхиримжи кхьинралди эсэрар чун паталди йисалай йисуз артухан хийир авайбур, маналубур жезва. Адан ирс - рекьин тийидай несилдиз тунвай гъарай, веси, кьадирчи насигъат хъиз я. Вичин ивидалди намус, Ватандиз вафалувал хвейи ала чакай ва чун паталди кхьена. Вичин «Шаир» тIвар алай ктабдиз Э. Капиева хатадай ва я дуьшуьшдин кар яз М. Горкийдин машгур гафар кьачунвач: Гъей, куьн, инсанар! Яшамшрай куь гележер!...» Э ф е н д и Мансурович Капиев 1909-йисан 13-мартдиз Дагъустандин кьакьан дагълух хуьре, яхулрин хуьре,

Кумухда саррафдин хизанда дидедиз хъана. Хизанда ам кьуд лагъай аял ва сифтегъан гада тир. Дидедин некледихъ галаз сад яз, аялдин чанди ва руьгди халкъдин камалу манияр, махар кфетдивди кужумзавай. Вири уьмуьрда Эфендиди абур рикIелни хвена.

Эфендидин буба кьураба яз Ставропольдиз акъатна. Ана гададиз урус чIал чир хъана, ам Пушкинан, ва Кольдован ширихъ галаз таниш хъана. А вахтара улкведа инкьилабдин вакъияяр кьиле физвай. Абурун манадикай



ва чехивиликай Эфендидиз геж чир хяна. Инкылабдин акьунар кыле фидайла, Капиеври, чпин кесиб жегызар кват хьууна, абур клеви калмыкрин фургундиз яна, йифиз Аркаки хуьр кьерехда туна. А хуьре Эфендидин аял вахтарин са пай амукьна. Са йисуз хизан дяведин рекьера гьатна. Тифдик азарлу хьанвай Капиевар Темир-Хан-Шурадиз хтана, ина абур Аччуни Саидгусейнован, революционер ва шair Гьарун Саидован сусанбурун квалеквазна.

Эфенди Капиев вичин хуси рекье лап фад гьатна. Ам фикирдай, лайихлу ва аслу тушир рехь тир. Эфендидин цусад йис таман хьанвай. Кьунагьрин квалеква яшамыш жезвай Эфендиди Буйнакскдин педтехникум акьалларзава са кьадар вахтунда ада Аксай хуьруьн ирид йисан мектебда урус члалан муаллим яз квалалахзава. Эфендиди вичин «Педагогдин дневник» кыле тухузва. Аниз жегылдин сифте шиирар, гьвечи расказар (гьикаяяр), гуьзет авур крар кватл жезва.

1930-йисуз комсомолдин путекалалди Эфенди Капиева Ленинграддин машинар эцигдай институтда келунар давамарзава, Ана начагь хяна, келун гадаруниз мажбур хьайи Эфенди Дагьустандиз хтана. Ада кьумукьрин «Юлдаш» газетда жавабдар секретарь яз квалалахзава.

Эфенди Капиеван эдебиятдин яратмишунрин эвел 1931-йисал гьалтзава. «Яру Дагьустан» газетда Э. Капиеван «Жаза кылиз акьудна» расказ чапна. Урус члалалди акьатзавай («Красный Дагестан») газетдиз Эфенди Капиева Дагьустанда сифте яз чкадин авторрин эсерар: гьикаяяр



ва шиирар урус члалалди таржума ийизва. 22 йисан уьмуьрдин яшда авай Эфенди Капиевакай 1932-йисуз ДАПП-дин (Дагестанская Ассоциация Пролетарских Писателей) жавабдар секретарь жезва.

1934-йисуз Дагьустандин халкьдин медени уьмуьрда рикел аламукьдай вакьна Дагьустандин писателрин 1-сьезд кыле фена. Э. Капиевалай Дагьларин улкведин эдебиятдин кьуватар кватлиз, «Дагьустандин шаирар» ктаб акьудиз алакьна. Съездал лайихлу, кутугай рахунрихь галаз санал са бязибуру жегыл эдебият хьуниз килигна, дагьустанвийриз мергьамат авуниз, яратмишзавайбуруз кьезил рехь гуниз эвер гузвай. И члавуз жегыл Эфенди Капиев квалеквалатна, ам трибунадихь фена ва ада лагьана: «Дагьустандин эдебиятдин «кьизилдин» аял вахтар алатна. Яшамышрай кьабилвал, гьич-са мергьаматни!» Адалай кьулухь хьайи вири писателрин съездар гьа левиздик кваз фена.

1934-йисуз Э. Капиев Дагьустандин писателрин Союздин

правленидин дестедик эчекна, ам СССР-дин писателрин сад лагьай съездин делегатвиле хкяна. Союзрин ва автаномный республикайрай Москвадиз атанвай эдебиятчийрин дестедик кваз Эфенди Капиевни «Горка» твар алай дачада А.М. Горькийди кьабулна. Ада чехи писателдиз вичи авунвай Дагьустандин шаиррин таржумаар (урус члалалди) келна.

1934-йисуз «Художественная литература» (ГИХЛ)-да сифте яз «Дагьустандин антология» акьудзава. Винидихь кьейднавай издательство чи улкведа виридалайни кылинди тир.

1937-йисалай Эфенди Капиева, вич тамамдиз эдебиятдин квалалахдиз желбзава. Ада Дагьустанда кьекьез, халкьдин сивин яратмишунар, Дагьустандин шаиррин яратмишунар кхьин хьийизва.

1940-йисуз Э. Капиева Москвада Вирисоюздин фольклористрин съезда иштиракзава. «Шаир» ктабда ада шаир Стал Сулейманан кьамат яратмишна. Дагьустандин дагьвийрин яратмишунрин сифтегьан чешнеяр урус халкьдал агакьарайдинни Эфенди Капиев я. Ада О. Батыраян, Гьамзатан, Гьафуров АбуТалибан эсерар Чехи дяве башламишайла, Эфенди, агьур азар аваз, фронтдиз рекье тунач. Амма ада советрин аскеррин оборонадин сенгерар кьадайла ва маса важиблу квалалахра абурук инанмишвили, гьалибвили руьгь кутаз хяна. «Рикелай алат тийидай Эфендидиз», - гьакл кхьенай Расул Гьамзатова вичи адаз бахш авур ктабрикай садал, автограф яз. Гьакьикьатданни, ам чи рикелера амукьзава! Эфенди Капиев...

Шагьбала ШАГЬБАЛАЕВ

Мискискарин хуьре - «Яран сувар»

21-мартдиз Докьузпара райондин Мискискарин хуьре шад мярекат кыле фена. Ам «Яран сувар» - гатфар алукуьнин шадлухвиле талукьарнавайди тир. Мискискарин хуьруьн юкьва, еке майдан тешкилнавай. Анал атанвайбурухь лезги халкьдин милли медениятдин выставкайрихь галаз таниш жедай мумкинвилер, лезги

халкьдин тлуьнрин чешнеяр дадмишдай ва симинин пагьливанрин гьунарриз килигдай мумкинвилер авай. Акьажунриз иштиракиз кьунши хуьрерайни пагьливанар атанвай, майдандик дагьларин манийрин везинар ва кьуьлерин гьерекатар квай.

Шадвили мярекат хабаррин сиясатдин ва медениятдин

жигьетдай тир, райондин кылин куьмекчи Исмаил Кьурбанова кыле тухузвай. Майданрал алай кларасрик цлар кутурдила гугьуьниз, атлуйрин гьуьжетар тешкилна.

Гаф «Докьузпара район» МР-дин Кьил Абдурагьим Алискероваз



гана. Ада кьейдна: - Гьурметлу докьузпаравияр, азиз Мискискарин хуьруьн агьалияр ва суварин мугьманар! Кье чна лап кьетIен суваррикай сад кьейдзава. «Яран сувар» - хуьтIуьн чкадилай гугьуниз цийи хьжезвай чилин ярж я. И сувар кьадим вахтарилай кьиле тухузвайди я. Адахь неинки са лезги халкьдин, гьакI Дагьустандин амай халкьарин адетрин дувуларни гала. Адет хьанвайвал «Яран сувар» - шадвилин мярекат Мискискарин хуьре кьиле тухузва. Чун гьар йисуз и сувар тухунин сергьятар гегьеншариз ва ам вини дережада аваз кьиле тухуз чаришмиш жезва. И кардик гугьуллувилин пай кутузвай хуьруьн кьил Рузмедин Кьанбероваз сагьрай лугьуз кIанзава. Ада вичин вири кьуватар хайи хуьруьн яшайишдин шартIар хьсанарунин ва абур виликди тухунин кардиз желбзава. Гьурметлу «Яран суварин» иштиракчияр, за кьез райондин администрациядин тIварунихьай, Докьузпара райондин Собранидин депутатрин паталай «Яран сувар» мубаракзава. Заз кьехь мягькем сагьламвал, райондин кьулайвал патал, гьиле кьазвай крапа агалкьунар хьана ва куь арада шад хабарар чкIана кIанзава. Кьуй куь арада сада-садаз гьурмет авунин, дуствилин алакьаяр мягькем хуьрай! – кьейдна райондин Кьили.

Шадвилин мярекатдиз, иштиракиз Дагьустан республикадин Халкьдин Собранидин депутат, чи районгьили Фирудин Ражабовни хтанвай. Ада вичин рахунра кьейдна: - Кьенин



йикьалай чил ахварикай кватзава, ада уьмуьр давам жезвайдакай лугьузва. Чна райондин Кьил Абдурогьим Алискеровахь галаз санал хейлин месэляяр фикирда кьазва ва проектар кардик акатун паталди, абур гьялуниз рехь акваз, чалишмишвалзава. Куьн вири сагьрай! Кьуй кьехь рикIерин секинвал ва чанарин сагьламвилер хуьрай! Кьуй куьн умуьрдин анжах хьсан терефри кьаршиламишрай, Кьез «Яран сувар» мубаракрай!

Райондин прокурор Мисбагь Назирова вичин патайни районгьилириз «Яран сувариз» талукь алхишдин келимаяр лагьана.

Мискискарин хуьруьн кьил Рузмедин Кьанберова суварин иштиракчийриз хуьруз атунай ва мярекатдик пай кутунай сагьрай лагьана.

Мярекатдин эхирдай

А.Алискерова мярекатдиз хтанвай гьурметлу мугьманриз сагьрай лагьана, спортдин акьажунра иштирак авур ва гьалибвал кьачур иштиракчийриз рикIел аламуькьдай пишкешар ва дипломар гана.

Эхирдайни хуьруьн агьалиярин арада лоторея кьугьвана, адай хейлин кIвалин-йикьан кьуллугьда ишлемишиз жедай затIар акьатзавай. «Яран суварин» мярекатда иштиракзавайбурун вилик Мискискарин ва Миграгь-кьазмайрин школайрин аялар экьечIна, абуру кьуьлерин нумраяр кьалурна. Лезги эстрададин «гьетери» хейлин манияр тамамарна.

Вадим АГЪАМУРАДОВ

ОБРАЗОВАНИЕ

ЕГЭ-риз талукь тир совещание кьиле фена

И йикьара, Докьузпара районда образованидин управленидин начальник Гьвейибег Шагьвеледова райодин школайрин директоррихь галаз, 2019-йисан кьулара аваз ЕГЭ-риз гьазурвилер акуниз талукь тир совещание кьиле тухвана. Ана ЕГЭ-яр тухузвай пунктуин руководитель Агьмед Агьмедова иштиракна.

Совещанидал кьетIен фикир ЕГЭ-рин тешкилатчийри

сертификатар кьачунин месэладиз гана. Сир туш, вири мектебра сертификатар кьачун патал, техникадин гьалатIар амуькьзава. Гьвейибег Шагьвеледова алай гьафтедин эхирдалди вири школайрин директорривай сертификатар кьачувун ва имтигьанар тухунин рекьай тешкилатчийр арадал гьун, абурун дестеяр райондин вири школайра арадик кутун истемишна.

Агьмед Агьмедова мярекатда иштиракзавайбуруз ЕГЭ кьиле тухунин карда арадал атанвай дегишвилерикай сугьбетна. А хьанвай дегишвилер школайрин сайтра тун чарасуз тирдакай лагьана. Цийи кьурулушдихь галаз алакьалу яз, гила школадин дараматдиз гьахьдай эвел кьиле металлоискатель





эцигда, гъавилай и хабар аялрив агакьурун важиблу я. ГьикI лагьайтIа, имтигьан кьиле фидай юкьуз аялри чпин телефонар ва электронный гаджетар кIвале тун чарасуз жезва. Эгер и рекьай са гьихьтин ятIани тахсиркарвилер аваз хьайитIа, мектебрин директорар жавабдарвилеиз чIугвада.

Усугьчайдин СОШ-дин директор Тажидин Аразова вичин зенд лагьана: «ЕГЭ тухунин рекьай тешкилнавай дестейри аялрихь галаз, абур гъавурдик кутунин рекьай гуьрушмишвилер тухун чарасуз я».

Вадим АГЪАМУРАДОВ

Пешекарвилин дережа хкаждай курсар

25-28-мартдин йикъара Докъузпара райондин ЦИИи-Каракуьредин СОШ-да ОГЕ-риз ва ЕГЭ-риз гъазурвал акунин мураддалди муаллимрин кIвалахдин дережадин стимул хкаж авунин рекьай махсус курсар тешкилна. Абур, кар алай предметар тир: урус чIалай, математикадай, химиядай, физикадай, биологиядай, тарихдай, географиядай ва обществознанидай тухузвай. Докъузпара райондин МКУ «ИМЦ» - дин директор Мадрид Магьмудован гафаралди, ихьтин жуьредин курсар кьиле тухун Дагъустан республикадин образованидин ва илимдин Министерствонин ва Дагъустандин образование вилик тухудай институтдин рейсадвилеин теклифралди я. Пешекарвилин дережаяр хкаждай курсар кьуд йикъан кьене пуд хиле аваз, кьиле тухузва.

РикIел хкизва, сифтегьан хел 2018-йисан декабрдин вацра кьиле тухванай. Алай вахтунин курсара райондин школайрин 125



муаллимди (жуьреба-жуьре предметникри) иштиракзава. Ана абуру чпин кIвалахдин дережа хкажзава, сада-муькуьдаз вичи тухузвай кIвалахдин мукьуф чирзава, алай вахтунин образованидин процесда ишлемишзавай цIийи

технологийрикай хабарар гузва.

Курсарин пуд лагьай хел алай йисан апрелдин эхирра тешкилда. Курсара пешекарвилин дережа хкажай муаллимриз а рекьай шагьадатнамаяр гуда.

Вадим АГЪАМУРАДОВ

Шикилрин конкурс кьиле фена

21-мартдиз Докъузпара райондин образованидин управленидин дараматда муниципальный этапдин «Юные фотолубители – 2019» тIвар алай шикилрин конкурс кьиле фена.

Конкурс тухунин макьсад, школьникрин рикI тебиатдал хьун,

жуван республикадиз, жуван хайи чилиз кьимет гана ва тебиат хуьнин кьайгьударар хьун тир.

Конкурс агьадихь галай номинацийрай кьиле фена: «Къушар», «Ничхирар», «Гъашаратар», «Рептилии», «Портрет», «Пейзаж», «Жанр» ва

«Серия».

Райондин школьникри винидихь кьейднавай номинацийрай гъазурнавай материалар агакьарнавай.



Образованидин управленидин методист ва жюридин председатель тир Рафик Мегьемедханова, юридин дестедин членрихь галаз материалриз кьимет гана ва абурукай Республикадин этапда иштиракдай лап хьсан материалар пуд номинациядай хкянавай.

«Пейзаж» номинациядай, гьвечибурун дестедикай сад лагьай чка Усугьчайдин СОШ-дин 6-классдин ученик Везирхан Исмаилов ва и номинациядай чехибурун дестедикай, Каракуьредин СОШ-дин 8-классдин ученик Амин Нагметулаев гана;

«Портрет» номинациядай сад лагьай чкайриз гьвечибурун дестедикай Мискискарин СОШ-дин 3-классдин ученица Зуьгьре Амрагьова ва чехибурун дестедикай, Мискискарин СОШ-дин 8-классдин ученица Аида Гьафизова лайихлу хьана;



«Гьашаратар» номинациядай сад лагьай чкайр 4 иштиракчидиз гана:

Усугьчайдин СОШ-дин 11-классдин ученица Реана Исламовадиз, Миграгь-кьазмайрин СОШ-дин 9-классдин ученица

Гюльназ Агьаларовадиз, Миграгь-кьазмайрин СОШ-дин 9-классдин ученик Кемран Гьажиеваз ва Мискискарин СОШ-дин 8-классдин ученик Абугуьл Амрагьоваз.

Валим АГЬАМУРАДОВ

Прокуратурой Докузпаринского района была проведена проверка исполнения законодательства в сфере закупок

Прокуратурой Докузпаринского района была проведена проверка исполнения законодательства в сфере закупок. При этом выявлен ряд грубых нарушений требований ФЗ-44 «О контрактной системе в сфере закупок товаров, работ, услуг для обеспечения государственных и муниципальных нужд» (далее – Закон).

Как сообщили редакции газеты, в соответствии с пунктом 2 ст. 72 Бюджетного кодекса РФ муниципальные контракты заключаются в соответствии с планом-графиком закупок и оплачиваются в пределах лимитов бюджетных обязательств, за исключением случаев, установленных п. 3. указанной статьи.

В соответствии (ч.ч. 2, 3 ст. 21 Закона) План-график формируется в соответствии с планом закупок и содержит информацию, в том числе о периодичности поставки товара, выполнения работы или оказания услуги, этапах оплаты (если

исполнение контракта и его оплата предусмотрены поэтапно). Частью 10 ст. 21 Закона предусмотрено осуществление закупок только в соответствии с планом-графиком.

Согласно письму Минфина России от 25.10.2017 N 24-01-10/70195, формирование и размещение планов закупок и планов-графиков закупок заказчиками осуществляется исключительно в соответствии с доведенным объемом.


Прокурор района Мисбах Назиров рассказал, что практически всеми муниципальными учреждениями при осуществлении закупок грубо нарушены требования вышеуказанных норм. «...Проверкой выявлены нарушения при исполнении контрактов с единственным поставщиком (подрядчиком, исполнителем). Проверки показали, что заказчиками были допущены просрочки оплаты за поставленный товар, выполненную работу, оказанную услугу. В соответствии с действующим законодательством, за нарушение заказчиком сроков

оплаты за поставленный товар, выполненную работу, оказанную услугу, предусмотрено применение к заказчику штрафных санкций в виде взыскания пеней. Закон регламентирует обязательность предоставления обеспечения исполнения контракта, заключаемого с государственным или муниципальным заказчиком. При использовании в качестве обеспечения исполнения контракта способ, предусматривающий перечисление денежных средств на счет заказчика, необходимо учесть, что датой, с которой обязательство по предоставлению обеспечения считается выполненным, является дата зачисления средств на банковский счет заказчика. Вышеизложенные нарушения свидетельствуют о грубых игнорированиях требований законодательства в сфере закупок.» - отметил он.

По результатам проверок и выявленным нарушениям закона руководителям всех организаций и учреждений района внесены представления об их устранении.

СПОРТ

ММА-дай Россиядин чемпион



Докъузпара райондин Каракуьре хуьряй тир Фейзулагь Агъамирзоева 2019-йисуз Кьиблепатан Дагъустандин ММА-дин чемпионатда 1-чка кьуна. Жегьил пагъливандин «гьебейра» Дагъустандин кIвенкIвечивиле къазанмишнавай къвед лагъай ва Россиядин кIвенкIвечивиле къазанмишнавай сад лагъай чкаяр ава.

Куьруь кьейд: Агъамирзоев Фейзулагь 2017-йисуз Каракуьредин СОШ акалтарна. Аял чIавалай ада

Каракуьредин ДЮСШ-дин тренер Амудер Шихмурадован гьилик вердишвилер къачуна. Школада кIелзавай йисара Фейзулагь райондин, зонадин ва республикадин жуьреба-жуьре акажуьре кIвенкIвечи чкаяр кьуна. 2017-йисуз Ф. Агъамирзоев Махачкалада кардик квай олимпиададин резервдин школадиз гьахьна (ДЮШОР) 2018-йисалай ам Дербент шегьердин «Скорпион» клубдин член я.

Чи мухбир

УВАЖАЕМЫЕ ПОТРЕБИТЕЛИ СЕТЕВОГО ГАЗА

Докузпаринского района!

Ежемесячно, не позднее 25 числа передавайте показания индивидуального прибора учета в абонентский пункт.

В соответствии с требованиями Постановления Правительства РФ от 05.06.2011 №354, потребитель, при наличии индивидуального прибора учета потребления коммунальных услуг, **ОБЯЗАН ЕЖЕМЕСЯЧНО** снимать его показания и передавать полученные показания не позднее 25-го числа текущего месяца поставщику услуг.

Гьуьрметлу газет кIелзавайбур!

«ЭС» газетдин редакцияди квевай ТIалабзава, райондин идарайриз ва тешкилатриз авай суалрин патахъай редакциядиз чарар кхьин. Чи редакцияди куь суалриз жавабар гуда.

Чи редакция. Тел.+7 (8722) 55-14-61

«ГОЛОС ЭРЕНЛАРА»

2001-йисан
ноябрдилай акъатзава

Тешкилайди:

Докъузпара райондин
администрация,
Дагъустан Республика

Учредитель:

Администрация Докузпаринского
района, Республика Дагестан

Кьилин редактор:

А. Э. ЭМИРСУЛТАНОВ

Жавабар секретарь:

В. С. АГЪАМУРАДОВ

Хусуи корреспондент:

Ш. О. ШАГЪБАЛАЕВ

Корректор:

Ш. О. ШАГЪБАЛАЕВ

Верстка авурди:

Э. А. КАРИБОВ

Газетдин индексар:

Зур йисан кьимет - 216 м.

Йисан кьимет - 432 м.

Чандиз вахкай вахт: 14:00

Чапзавай вахт - 17:00

Тираж 480

Редакциядинни макъалайрин авторрин фикарар сад тахьун мумкин я. Макъалайрин делшрин дуьзвилини патахъай жавабар авторри чни гуда. Макъалайриз рецензия гузвач ва абур элкьвена вахкузвач. Мадни, чпин макъалайра дегишвилер тунал, кьилер дегишарунал рази тушир мухбиривай чна абур редакциядиз ракъур тавун тIалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный
номер ПИ №ТУ5 - 00256
от 14 июня 2013 г.

Редакциядин,
издательстводин ва
типографиядин адрес:

368750, Докъузпара
район, Усугъчай хуьр,
тел.+7 (8722) 55-14-61
e-mail:

golos-erenlara@mail.ru
Чи сайт: www.erenlar.ru